

黃氏逸書考



卷之四



子史鈎沈

逸書考

謝承後漢書上

甘泉黃奭學

序

陰脩敷化二都威教克平

文選王元長永明九年策秀才文注

又沈休文齊故安陸王碑文注引謝承後漢書無序字

王龔幹事遂陟鼎司

文選劉越石勸進表注又惠氏後漢書補注十

三引

申屠蟠英姿磊落

文選范蔚宗後漢書二十入將傳論注

徐淑戎車首路

文選沈休文齊故安陸王碑文注

民國甲戌

射承後漢書卷上

一江都朱氏

明帝

永平十五年蝗起太山彌衍兗豫

後漢書五行志之注

桓帝

九年揚州六郡連水旱蝗害也

後漢書五行志之注案此

注在延熹元年疑九是元之謄

靈帝

靈帝善鼓琴吹洞簫

御覽五百八十一

靈帝數遊戲於西園令後宮綵女爲客主身

爲商賈

御覽八百二十八

靈帝建寧四年河南上言二鳳皇二鸞鳥集

原縣

御覽九百十六

碑立大學門外瓦屋覆之四面欄障開門於

南河南郡設吏卒視之

後漢書儒林傳序注姚本靈帝詔諸儒正

定五經刊於石碑爲古篆隸二體立太學門外以下同案立石碑是靈帝熹平四年事

後漢書靈帝紀熹平六年南宮平城門及

武庫東垣屋自壞惠氏補注案謝承書及

續漢志皆在光和元年疑紀誤也

中平二年造萬金堂於西園

御覽八百二十四

民國甲戌

射承後漢書

卷上

一一江都朱氏

劉恭

赤眉入長安時式侯恭以弟盆子爲赤眉所尊故自繫赤眉至更始奔走式侯從獄中參械出街中逢京兆尹解憚呼曰解君載我我更始之忠臣也卽帝敗我弟又爲赤眉所立憚使後車載之前行見定陶王劉禮解其言帝在渭中船上遂相隨見更始

御覽六百四十三又

六百四十四引至街中又惠氏補注卷五引自恭從獄中至末劉禮作劉社案御覽禮字誤袁宏後漢紀三云恭以盆子之立自繫有司赤眉入吏民奔式侯從獄中出三械見定

陶王劉祉解其械言帝在渭濱遂相隨見更始於舟中本此

劉崇

安眾侯劉崇長沙定王五代孫南陽宗室也與宗人討莽有功隨光武河北破王郎朝廷高其忠壯策文嗟歎以厲宗室安眾諸劉皆其後

後漢書李通傳注

鄧禹

赤眉盆子去長安西入右扶風鄧禹至長安

中昆明池率諸將齋戒擇吉日入城謁高帝

民國田成討賊後漢書卷上三江都朱氏

廟修禮祠祭勞賜吏士因收十二帝神主以故高廟郎來輔守高廟令行京兆尹承事按行掃除諸園陵爲置卒吏奉守焉遣輔奉主詣京師御覽五百三十一袁宏紀四云鄧禹遣兵上林中率諸將謁高廟收十二帝神主送洛陽掃除園陵爲置吏卒本此

鄧晨

鄧晨尙世祖姨新野公主主爲王莽兵所害及薨詔備主官屬法駕迎主魂與晨合葬於北邙御覽五百五十四袁宏紀八云晨旣薨使謁者招新野公主魂備官屬合葬於

北邙山本此

許陽

汝南許陽曉以水承地脉太守鄧晨署爲平
水掾使治鴻郄陂陂成人譖陽言取錢晨繫
陽於獄戶自開械自解晨釋之出時日暮陂
上有火光引前清德之感也

御覽七十二又
惠氏補注十九

岑彭

光武以岑彭爲安南將軍

御覽二百三十九

朱鮪

光武攻洛陽朱鮪守之上令岑彭說鮪曰赤
眉已得長安更始爲胡殷所反害今公誰爲
守乎鮪曰大司徒被害鮪與其謀誠知罪深
不敢降耳彭還白上上謂彭復往明曉之夫
建大事不忌小怨今降官爵可保况誅罰乎

上指水曰河水在此吾不食言

文選阮元瑜爲曹公作書

與孫權注袁宏紀三云彭因說鮪曰赤眉已
得長安更始爲三王所反今公爲誰守乎鮪
曰大司徒被害時鮪與其謀誠自知罪深故
不敢降耳世祖曰夫建大事者不忌小怨今

降官爵可保况誅罰乎河水在此吾不食言

田戎

田戎擁眾夷陵聞秦豐被圍懼大兵方至欲
降而妻兄辛臣諫戎曰今四方豪傑各据郡
國洛陽地如掌耳不如按甲以觀其變戎不
從乃留辛臣守夷陵自將兵沿江沂沔止黎
兵刻日當降而辛臣於後盜戎珍寶從間道
先降於岑彭而以書招戎戎疑必賣已乃灼
龜卜降兆不吉中折遂止之不降

御覽七百二十五

祭遵

祭遵爲將取士皆用儒術對酒設樂必雅歌

投壺

書鈔一百六又御覽五百七十引又事類賦歌引袁後漢紀六云其所進禮皆

儒術之士讌會遊處必雅歌投壺本此

祭彤

祭彤除偃師長視事五年縣無盜賊州課第

一書鈔七十八陳補

馬武

馬武字子張南陽人爲人好酒豁達敢直言

時在御前面折同列以爲笑樂

御覽三百八十九又惠氏

補注卷七引豁達敢直言袁宏紀七云武好酒敢直言時醉在上前面折同列本此

銚期

世祖與銚期出薊至廣陽欲南行

水經灤水注又惠氏

補注卷七引

馬援

馬援卒後有人上書譖之者援妻孥惶怖不

敢以喪還舊塋裁買城西數畝地薄葬而已

賓客故人莫敢弔

袁後漢紀八云援家屬惶怖不敢歸舊墓買城西數

民國甲戌射氏後漢書卷上六江都朱氏

畝地葬其中賓客故
人不敢送葬本此會援妻子草索相連詣

闕請罪帝乃出訟書以示之方知所坐上書

訴冤前後六上辭甚哀切然後得葬
御覽五百五十

四

宋弘

宋弘字仲子爲司空帝姊湖陽公主新寡帝
與論朝臣美惡以觀其意主曰宋弘容德莫
及帝曰方圖之後引弘入令主坐屏風後因
謂弘曰貴易交富易妻人情乎弘曰貧賤之

交不可忘糟糠之妻不下堂帝謂主曰事不
諧矣御覽五百十七又四百九十五引宋弘
宴見上令主坐屏風後上謂弘曰諺言
貴易友下同

陳眾

陳眾辟州從事有劇賊淳于臨等數千人攻
縣殺吏光武遣司空李通率師擊之州牧惶
怖恐獲罪戾眾於是自謂以恩信曉諭降之
乘單車駕白馬往到賊所以義告諭臨素服

名德卽降服民立生祠名曰白馬從事御覽二百

六十五又惠氏補注卷五引自光武遣司空李通至降之

陳臨

陳臨爲蒼梧太守推誠而理導人以孝弟臨徵去後本郡以五月五日祠臨東城門上令

小童潔服舞之

初學記卷四又御覽三十一引又事類賦夏引

陳臨字子然爲蒼梧太守人遺服子報父怨捕得繫獄傷甚無子令其妻入獄遂產得男人歌曰蒼梧陳君恩廣大令死罪囚有後代德參古賢天報施

御覽四百六十五

魏霸

魏霸字喬卿濟陰人爲鉅鹿太守臨郡終不遣吏歸鄉里妻子不到官舍常念兄嫂在家勤苦已獨尊樂故常服粗糲不食魚肉之味婦親蠶桑子躬耕與兄弟同苦樂不得自異鄉里慕其行化之初學記十七又御覽五百人爲鉅鹿太守與兄子同苦樂不得自異袁紀十四云霸濟陰人也爲郡妻子不之官霸以兄嫂勤而已獨榮常衣布蔬食勅妻子親之耕蠶與兄弟子姪同勞逸本此

第五倫